

## Chò Lôpók ê Kitoktô ê Hêngûi

**6** Kiannā tī lâng ê koánhat ē teh chò lôpók ê lâng, tiòh kā kakī ê chúlâng khòa<sup>n</sup> chò sī tǎttit siū oânchoân chunkèng ê lâng, biántit SiōngChú ê miâ kah tólí siū tiòh siattók. <sup>2</sup> Chúlâng nāsī sìn Chú ê, m̄ thang inūi i sī hia<sup>n</sup>tī tòh kā i khòa<sup>n</sup>khin, tiantò tiòh koh khah chīnsim kā i hòksāi, inūi teh siū liēk ê chúlâng sī sìn<sup>tō</sup>, mā sī số thià<sup>n</sup> ê hia<sup>n</sup>tī.

## Chin ê Kàusu kah Ké ê Kàusu

Lí tiòh iōng chiahē oe lâi kàsī kah khoànbián in.

<sup>3</sup> Nā ū lâng thoân pát khoán ê kàu<sup>gī</sup>, bô hūháp lán ê Chú Iésu Kitok ê chintō, koh bô chiàu kèngkhiân ê kàu<sup>gī</sup>, <sup>4</sup> i tòh sī chūko chūtāi, koh it bû số ti, kanta<sup>n</sup> ū hò<sup>n</sup> piānlūn kah ài siochè<sup>n</sup> ê môpē<sup>n</sup>, koh inūi áne ínkhi oàntò, huncheng, húipòng kah okì ê chhaigī, <sup>5</sup> koh iā ū hiahê simchì pāihoāi koh sòngsit chinlí ê lâng huncheng bô thêng. In kā sìn<sup>kàu</sup> tòngchò sī chit chióng ē tàng tit tiòh liēk ê chhiútōa<sup>n</sup>.

<sup>6</sup> Kèngkhiân koh tichiok, khaksit ē hō lâng tit tiòh tōa liēk.

<sup>7</sup> Inūi lán chhutsì bô tōa siá<sup>n</sup>mih lâi, lísè mā bē tàng tōa siá<sup>n</sup>mih khi.

<sup>8</sup> Lán nā ū thang chiáh, ū thang chhēng, tòh engkai ài tichiok.

<sup>9</sup> Hiahê siū<sup>n</sup> beh hoatchai ê lâng, ē hām<sup>jip</sup> chhithàm kah lôbāng, íkíp chin chē gūgōng iúhāi ê suiòk nih, tìsú tīmlūn tī pāihoāi kah biátbông tiong. <sup>10</sup> Inūi thamchài sī bān ok chí goân; ū lâng inūi thamlám lâi phianlī sìn<sup>gióng</sup>, hō kakī chosiū bûchīn ê iusiong.

## Tùi Tímóthēh ê Chísī

<sup>11</sup> M̄ koh lí chitê siòk SiōngChú ê lâng ah, lí tiòh

## 做奴僕 ê 基督徒 ê 行為

**6** 見若 tī 人 ê 管轄下 teh 做奴僕 ê 人, tiòh kā kakī ê 主人看做是值得受完全尊敬 ê 人, 免得上主 ê 名 kah 道理受 tiòh 褻瀆。 <sup>2</sup> 主人若是信主 ê, m̄ thang 因為伊是兄弟 tòh kā 伊看輕, 顛倒 tiòh koh khah 盡心 kā 伊服事, 因為 teh 受利益 ê 主人是信徒, mā 是所疼 ê 兄弟。

## 真 ê 教師 kah 假 ê 教師

你 tiòh 用 chiahē 話來教示 kah 勸勉 in。

<sup>3</sup> 若有人傳別款 ê 教義, 無符合咱 ê 主耶穌基督 ê 真道, koh 無照敬虔 ê 教義, <sup>4</sup> 伊 tòh 是自高自大, koh 一無所知, kanta<sup>n</sup> 有好辯論 kah ài 相諍 ê 毛病, koh 因為 áne 引起怨妒、紛爭、誹謗 kah 惡意 ê 猜疑, <sup>5</sup> koh 也有 hiahê 心志敗壞 koh 喪失真理 ê 人紛爭無停。 In kā 信教當做是一種 ē tàng 得 tiòh 利益 ê 手段。

<sup>6</sup> 敬虔 koh 知足, 確實 ē hō 人得 tiòh 大利益。

<sup>7</sup> 因為咱出世無帶啥物來, 離世 mā bē tàng 帶啥物去。

<sup>8</sup> 咱若有 thang 食, 有 thang 穿, tòh 應該 ài 知足。

<sup>9</sup> Hiahê 想 beh 發財 ê 人, ē 陷入試探 kah 羅網, 以及真 chē 愚癡有害 ê 私慾裡, 致使沉淪 tī 敗壞 kah 滅亡中。 <sup>10</sup> 因為貪財是萬惡之源; 有人因為貪婪來偏離信仰, hō kakī 遭受無盡 ê 憂傷。

## 對提摩太 ê 指示

<sup>11</sup> M̄ koh 你 chitê 屬上主 ê 人 ah, 你 tiòh 閃

siámpī chiahê tāichì, koh tiòh tuikiû konggī, kèngkhiân, sìnsim, thià<sup>n</sup>sim, nāisim kah unjiú. 12 Tiòh chīnlék ūi sìngióng chengchiàn, koh tiòh liáhtiâu éngseng. Inūi lí tòh sī ūi chitê éngseng siūtiâu ê, lí mā bat tī chin chē kiànchêngjīn bīnchêng kongkhai kòpèk lí bíhó ê sìngióng. 13 Tī siú<sup>n</sup>sù sè<sup>n</sup>miā hō bānmih ê SiōngChú, kah bat tùi Púntiu Píliápto chò bíhó kiànchêng ê Kitok lésu bīnchêng, góa hoanhù lí, 14 tiòh chunsiú chitê bēnglēng, bô khoattiám, mā bô thang chíchek, titkàu lán ê Chú lésu Kitok hiánhiân ê sī. 15 Chit sī chíu SiōngChú ē tī sektòng ê sīkí khésī hō lán. SiōngChú sī siū oló, koh sī tókit ê Chiángkoánchiá, bān ông chi Ông, bān chú chi Chú, I ē tī I tiā<sup>n</sup>tiòh ê jitchí hō Kitok chàilím. 16 SiōngChú sī tókit éngseng ê, tiàm tī lāng bē tàng chiapkīn ê kngbēng tiong; bô lāng bat khò<sup>n</sup>kòe I, mā bô lāng ē tàng khò<sup>n</sup>kì<sup>n</sup> I. Goān chunkùì kah koánlēng kui tī I, titkàu éngoán. Amen!

## Chò Hósū ê Chāihù

17 Lí tiòh hoanhù hiahê kimsè hógiah ê lāng m̄ thang kiaungō, mā m̄ thang kā in ê ñgbāng kiàthok tī bē khò tit ê chí<sup>n</sup>chāi, khiok tiòh óakhò hit ūi kā bānmih honghong hùhù siú<sup>n</sup>sù hō lán hiángsiū súiōng ê SiōngChú. 18 Lí koh tiòh hoanhù in hēngsiān, tiòh ke chò hósū, kamsim sisià, hoa<sup>n</sup>hí kah lāng hunhióng. 19 Anne, in tòh ē tàng ūi kakī khíchō kiankòr ê tēki, thang tit tiòh chinchià<sup>n</sup> ê sè<sup>n</sup>miā.

20 Tīmótheh ah, lí tiòh chhīsiú số kauthok lí ê, tiòh siámpī hiahê chhósiók ê khongtām, kah ké tìsek ê chenglūn. 21 Ū chitkóa lāng chūchheng ū chit khoán ê tìsek, soah tī sìngióng siōng phianlī chintō. Goān SiōngChú ê intián kah lín tôngchāi!

避 chiahê tāichì, koh tiòh 追求公義、敬虔、信心、疼心、耐心 kah 溫柔。 12 Tiòh 盡力為信仰爭戰, koh tiòh 掠 tiâu 永生。因為你 tòh 是為 chitê 永生受召 ê, 你 mā bat tī 真 chē 見證人面前公開告白你美好 ê 信仰。 13 Tī 賞賜性命 hō 萬物 ê 上主, kah bat 對本丟彼拉多做美好見證 ê 基督耶穌面前, 我吩咐你: 14 Tiòh 遵守 chitê 命令, 無缺點, mā 無 thang 指責, 直到咱 ê 主耶穌基督顯現 ê 時。 15 Chit 時只有上主 ē tī 適當 ê 時期啟示 hō 咱。上主是受 oló, koh 是獨一 ê 掌權者、萬王之王、萬主之主, 祂 ē tī 祂定 tiòh ê 日子 hō 基督再臨。 16 上主是獨一永生 ê, tiàm tī 人 bē tàng 接近 ê 光明中; 無人 bat 看過祂, mā 無人 ē tàng 看見祂。願尊貴 kah 權能歸 tī 祂, 直到永遠。阿們!

## 做好事 ê 財富

17 你 tiòh 吩咐 hiahê 今世好額 ê 人 m̄ thang 驕傲, mā m̄ thang kā in ê ñg 望寄託 tī bē 靠得 ê 錢財, 卻 tiòh óa 靠 hit 位 kā 萬物豐豐富富賞賜 hō 咱享受使用 ê 上主。 18 你 koh tiòh 吩咐 in 行善, tiòh 加做好事, 甘心施捨, 歡喜 kah 人分享。 19 Anne, in tòh ē tàng 為 kakī 起造堅固 ê 地基, thang 得 tiòh 真正 ê 性命。

20 提摩太 ah, 你 tiòh 持守所交託你 ê, tiòh 閃避 hiahê 粗俗 ê 空談, kah 假智識 ê 爭論。 21 有一 kóa 人自稱有 chit 款 ê 智識, soah tī 信仰上偏離真道。願上主 ê 恩典 kah lín 同在!